

HALLIHALLOHALLU Baby Jail 2014 (Text: Boni Koller)

Vor de Kaserne hockt en Hippie, und singt Lieder gäg de Chrieg
D'Polizische griifed nöd ii, wämmers bruucht dänn chömmeds nie
Transvestite werded Lehrer und erziend eusi Chind
Klar, dass die im Militär schpöter nümme z'bruuche sind

D'Meitli händ alli es Chopftuech aa, sind vom Schwümme dispensiert
D'Schuelpfläg luegt zue, me weiss es ja, wer eus das diktiert
Luuter schwuli Chindegärtner mit Extremische-Bärt
Scho eusne Allerjüngsche wird Analverkehr erchlärt

Ich han Halluzinatione
Nöd zum glaube was ich gseh
Ich han en Schluck gno vo de Bowle
am Buurezmorge vo de SVP

Jugendliche Mässerstächer brötled Eichörnli im Wald
libürgereti Verbrächer, däne wärded Kickbox-Schtunde zalt
Sie chlaued eus de Wonigsschlüssel, fessled eus as Schtägegländer
Es isch wäg däne z'Brüssel, alles Chinderschänder

Verhätscheleti Obdachlosi schnarchled luut vor eusem Huus
Es Sozialschmarotzergrosi fahrt erschti Klass und lacht eus us
Unerwünschte Minderheite sünneled am See (de ganz Tag)
Zerscht sinds numme z'zweite, aber dänn... ogeh!

Halli-hallo-halluzione
Nöd zum glaube was ich gseh
Halli-Halluzinazi-Bowle
Zopfun-Kafi-Lutzun-LSD

Vor de Kaserne hockt en Hippie, und singt Lieder gäg de Chrieg
D'Polizische griifed nöd ii, wämmers bruucht dänn chömmeds nie